

Broj: 03-02-842, 843, 844, 845, 846, 847/2019
Sarajevo, 11.11.2022. godine

PARLAMENT FEDERACIJE BOSNE I HERCEGOVINE
Predstavnički dom
gosp. Mirsad Zaimović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 14-11-2022			
Org. jed.	Broj	Priloga	Vrijednost
01	-08-	227	/21

Predmet: Izjašnjenje Vlade Federacije Bosne i Hercegovine

Poštovani,

U skladu sa članom 210. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u prilogu akta dostavljam Vam Izjašnjenje Vlade Federacije Bosne i Hercegovine na Zahtjev Općinskog suda u Sarajevu broj: 065-0-Su-21-0000 93 od 19.01.2021. godine (Inicijativa za davanje autetičnog tumačenja odredbi Zakona o registraciji poslovnih subjekata u Federaciji BiH, Zakona o stvarnim pravima, Zakona o zemljišnjim knjigama Federacije BiH, Zakona o nasljeđivanju u Federaciji BiH, Porodičnog zakona Federacije BiH i Zakona o izvršnom postupku), koje je Vlada Federacije Bosne i Hercegovine utvrdila na 338. sjednici, održanoj 10.11.2022. godine.

S poštovanjem,


PREMIJER
Fadil Novalić

CO: FEDERALNO MINISTARSTVO PRAVDE
gosp. Mato Jozić, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 210. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20), nakon razmatranja Zahtjeva Općinskog suda u Sarajevu broj: 065-0-Su-21-0000 93 od 19.01.2021. godine (Inicijativa za davanje autentičnog tumačenja odredbi Zakona o registraciji poslovnih subjekata u Federaciji BiH, Zakona o stvarnim pravima, Zakona o zemljišnim knjigama Federacije BiH, Zakona o nasljeđivanju u Federaciji BiH, Porodičnog zakona Federacije BiH i Zakona o izvršnom postupku), Vlada Federacije Bosne i Hercegovine je, na 338. sjednici održanoj 10.11.2022. godine, utvrdila

IZJAŠNJENJE

Smatramo da iz akta Općinskog suda u Sarajevu broj: 065-0-Su-21-0000 93 od 19.01.2021. godine ne proizilazi zahtjev za davanje autentičnog tumačenja Zakona o registraciji poslovnih subjekata u Federaciji BiH, Zakona o stvarnim pravima, Zakona o zemljišnim knjigama Federacije BiH, Zakona o nasljeđivanju u Federaciji BiH, Porodičnog zakona Federacije BiH i Zakona o izvršnom postupku jer se niti u jednom dijelu precizno ne navodi odredba čije tumačenje bi bilo potrebno, već se elaborira problematika koju u svom radu imaju redovni sudovi u Federaciji Bosne i Hercegovine, pa i Općinski sud u Sarajevu, koja je nastala usljed neprovođenja Presuda Ustavnog suda Federacije Bosne i Hercegovine broj: U-15/10 od 02.12.2015. godine i broj: U-22/16 od 06.03.2019. godine koje se odnose na notarsku djelatnost u Federaciji BiH. U tom smislu, sudovi kao zaseban stub vlasti, dužni su poznavati propise i iste primjenjivati u svakom konkretnom slučaju. Međutim, obzirom da Predstavnički dom Parlamenta Federacije Bosne i Hercegovine u svom aktu broj: 01-08-227/21 od 01.02.2021. godine, cijeni akt Općinskog suda u Sarajevu kao zahtjev za davanje autentičnog tumačenja navedenih zakona u smislu člana 207. Poslovnika Predstavničkog doma Parlamenta Federacije BiH, premda je istim članom propisano da je autentično tumačenje opći akt kojim se utvrđuje istinitost, vjerodostojnost, izvornost i pravilan smisao nedovoljno jasne odredbe zakona ili drugog akta, a nikako cjelokupnog zakona ili seta zakona čija primjena je vezana za problematiku provođenja presuda Ustavnog suda Federacije Bosne i Hercegovine broj: U-15/10 od 02.12.2015. godine i U-22/16 od 06.03.2019. godine, Vlada Federacije Bosne i Hercegovine smatra da su važeće odredbe Zakona o registraciji poslovnih subjekata u Federaciji BiH, Zakona o stvarnim pravima, Zakona o zemljišnim knjigama Federacije BiH, Zakona o nasljeđivanju u Federaciji BiH, Porodičnog zakona Federacije BiH i Zakona o izvršnom postupku jasne i nedvosmislene, te da nije potrebno autentično tumačenje odredbi navedenih zakona.

Federalno ministarstvo pravde će pristupiti određenim izmjenama propisa na koje se ukazuje u inicijativi s ciljem pojašnjenja i olakšanja procedura.

V. broj: 1591 /2022
10.11.2022. godine
Sarajevo

